

四庫全書

集部

欽定四庫全書

集部

梅溪後集卷一
四

詳校官庶吉士 臣 翁樹培

主事 臣 呂雲棟覆勘

總校官進士 臣 朱 鈐

校對官中書 臣 高 中

卷錄監生 臣 陳元文

欽定四庫全書

梅溪後集卷一

宋 王十朋 撰

賦

會稽風俗賦

并叙

昔司馬相如作上林賦設子虛烏有先生亡是公三人
相答難子虛虛言也烏有先生者烏有是事也亡是公
者亡是人也故其詞多夸而其事不實如盧橘黃柑之

類蓋上林所無者猶莊生之寓言也余賦會稽雖文采
不足以擬相如之萬一然事皆實錄故設為子真無妄
先生有君答問之辭子真者誠言也無妄者不虛也有
君者有是事也以反相如之說焉

有客過越自稱子真介于無妄先生贊見於有君謁入
廼膝而前曰聞有君之名雅矣今幸際顏色聆話言僕
輒有請君其聽焉君世家于越以風流自命業傳縉素
才播歌詠越之山川人物古今風俗載在君腹願聞其

略可乎有君廼斂衽肅容對曰唯唯客姑坐焉吾以語

爾越於九域分曰揚州

禹貢淮海惟揚州周禮東南曰揚州山曰會稽圖經大都督府

越州禹貢揚州之域

仰瞻天文度當斗牛

漢書地理志吳地斗分

三度至女七度為星紀於辰在古吳越分曰揚州而會稽入斗一度白樂天詩云牛斗天垂象台明地展圖

在辰為丑自夏而侯

史記越王勾踐其先禹之苗裔夏少康之庶子也封于會稽以奉禹

祀圖經封少子無餘於越是為越侯

郡於秦漢

秦始皇滅荆置會稽郡漢以其地屬吳國景帝誅吳

王復為霸於春秋

春秋哀公十三年於越入吳史記勾踐已平吳兵橫行於江淮號稱霸王

州於隋而使於唐

隋大業中改為越州唐乾元中置浙江東道節度觀察等使

公有

素而王有鏐

隋楊素封越國公唐末鏐平董昌封吳越國土

因種山而中宅

圖經種山一名重山即今卧龍山也吳越春秋越王莖文種於國之西山一年伍子胥自海上穿山脇持文種

去與之俱游於海今西山低處是也

廊蠡城而外州

吳越春秋勾踐自吳還范蠡築小城周千

一百二十步一員三方西北立為龍翼之樓以象天門東南伏漏石竇以象地戶陵門四達以象八風外郭

築城而缺西北示服事吳也圖經會稽治山陰以來此城即為郡城

龍樓翼而屹峙石竇

伏而巽流法天門今地戶惟崑崙兮是伴

吳越春秋范蠡曰臣之叢

城也其應天矣實東南之大府號實天下之無仇

闕

天下本無仇

其山則鬱鬱蒼蒼巖巖崑崙磅礴蜿蜒崢嶸

嵒若騫若犇若闔若開或凸或凹或阜或堆或斷而聯

或昂而低虎卧龜蹲龍盤鴈徊舒為屏障峙為樓臺掩

映江湖明滅雲霓八山中藏

府城之內有八山種山龜山戴山火珠山鮑郎山彭

山白馬山蛾眉山今所存者惟四山耳鮑郎彭山白馬蛾眉山俱已湮滅僅存其名

千里周回彭

鮑名存

圖經彭山在會稽縣北四里典錄云彭祖所隱居之城鮑郎山一名陽堂山在今大能仁寺之

前郡國志云山有鮑郎祠

蛾馬迹迷

蛾眉山不見於圖經父老云在府橋之東軒亭之西形如蛾眉

白馬山在會稽縣北五里

鉅者南鎮是為會稽

史記禹會諸侯江南計力命曰會稽會稽

者會計也皇覽曰會稽山本名苗山唐開元十年封四鎮為公故會稽山為南鎮永興公

洞曰陽明

羣仙所棲

龜山白玉上經曰會稽山周回一百二十石里名陽明洞天皆仙聖天人都會之所

傘如張

圖經石傘山在會稽縣東石帆如揚石帆山在南十五里玉筍側狀如傘會稽縣東

十五里夏侯曾先地理志云射的山北有石壁高數十丈中央少紆狀如張帆又有文石狀如鷄人亦謂之石

鷄石竇如藏與地志云宛委山上有石竇石鷄如翔石壁立千雲霄升者累梯而上石鷄如翔石

壁匪泥

並見石石甕匪攜巨石三在照湖東狀如酒帆注甕時人謂之秦皇酒甕香

爐自烟

會稽一峰狀如香爐人謂之香爐峰一名覆釜山天柱可梯吳越春秋

天柱號曰宛委圖經韞玉有筍圖經玉筍山在會稽縣東南十五里出美玉其

形如筍因以為降僊有臺皇覽云宛委山上一巨石名一茅峴

工號降仙臺苗龍先生於此臺上昇

禹穴窅而巨探

史記司馬遷登會稽探禹穴唐鄭魴有禹

穴萬巖蜚而自来

龍瑞圖經禹穴北有石岩高丈餘南面側平如削真誥云此石於赤烏二

年天降從安息國飛來工有索痕二條名為飛來石射晉葛仙公曾築壇煉丹後人名葛仙岩煉丹井也

堂豐函之的

孔晁會稽記云射的山半有石室迺仙人射堂東峰有射的遙望山壁有白點如射

侯土人常以占穀貴賤故語云射的白米斛百射的玄米斛千

宛委日月之珪

遁甲開山圖云

禹開宛委山得赤珪如日碧珪如月長一尺二寸

應天上之玉衡

輿地志云會稽山一名衡

山吳越春秋禹聞黃帝藏書于此迺東巡登衡嶺龍瑞圖經注云謂天文蓋度中權衡星名非南嶽之衡嶺

直海中之蓬萊

舊志蓬萊山正屬會稽沈紳蓬萊閣詩云三山對峙海中央

至若嵯

山歸其東

圖經嵯山在剡縣東三十四里唐武塗山屹德四年置嵯山因山為名今曰嵯縣

其西

塗山在山陰西北四十五里舊圖經云禹會諸侯之所應劭云塗山在永興北按永興即蕭山也杜

預注左傳云在淮南阜至繇蜀

蜀阜山在山陰縣北三十五里舊經按地志云

昔自蜀飛來帶兒婦二十餘人隨山而至善織美錦自云家在西蜀今忽至此又云勾踐將伐吳置婦女於山

上以邀軍士

龜來自齊

龜山在山陰縣東八十步下有東武里或謂之怪山吳越春秋

范蠡築城既成怪山自生琅玕東武海中山也一夕自來故名怪山越絕書云勾踐遊臺也東南司馬門所以

灼龜又仰望天氣觀天怪也又云遠望似龜形故或名龜山

梅山迺隱吏之窟

梅山一名

巫山在府城北一十八里梅子真所紵羅蓋西子之閨
隱之地也其西則有梅市里梅福里

輿地志云諸暨縣羅山西施鄭旦所居五泄爭奇於鴈

有方石云是西施曬紗處今名紵羅山

蕩掇英集五泄瀑布也在諸暨西四十里有兩山夾溪

摩雲壁立高二百丈廣數十丈水瀉五節故名五泄

山多奇峰或四明競秀於天台圖經四明山在餘姚縣

比之雁蕩云孫綽天台賦云涉海則

有方丈蓬萊登陸五雲中令之故居晉義熙三年中書

則有四明天台令王獻之居是山

帝詔建雲門寺十峰疊翼之招提法華山在會稽縣

翼棲此誦法華經因置寺焉其山

十峰其水雙澗今天衣寺是也

故越為之首兮剡為

之面兮沃洲天姥眉今日兮白樂天沃洲山記云東南

山今屬新昌縣

天姥為眉目二

金庭桐柏仙子宅兮

金庭觀在剡縣東

山今屬新昌縣

王子晉學道登仙

之所真誥曰南岳真人云越有桐柏
之金庭養真之福地昇仙之靈墟也
南明敬崆竇相湧

今新昌南明山有寶相寺梁建
安王造石佛一軀高一百尺
南岩嵯峨海跡古今南

在新昌縣西南唐李紳龍宮
寺碑云南岩海迹高下猶存
陟秦望而望秦兮史記秦
始皇三

十七年上會稽祭大禹望于南海立石刻頌園經秦望
山在會稽南四十里又有望秦山始皇登山羣臣於此

以望秦
登洛思而思洛兮
洛思山在蕭山縣東與志云
永興縣有洛思山汴人朱雋

來會稽三年不得反乃登
采葛食蕺敬吊前王兮
蕺山
在府

山北顧而歎因以為名
治東北三里趙璘直碑云蕺山蕺山昔越王所嗜常採於
此遂用名之在晉為王逸少別址尚留故池與祠堂葛

山在會稽縣東一十里吳越春秋云
勾踐使女織布以獻吳王采葛是山
脩竹茂林緬想陳

迹兮

輿地志云山陰縣西有蘭亭王羲之序云此地有崇山峻嶺茂林脩竹又云俛仰之間已為陳迹

連山如珠秦皇之所驅兮

連山在蕭山縣西夏侯曾先志云連山長岡九里西北至

定山秦始皇欲置石橋渡浙江今尚有石柱數十列于江陰世傳始皇驅山塞海

摩山如玦亞

父之所割兮

摩烏山在蕭山縣南東方朔神異志云摩山是亞父割斷蕭山南嶺將摩斷烏江

北幹隱兮明月在

北幹山在蕭山縣北孔靈符地志云許詢家於此山之陽詢詩云蕭條北

幹園劉真長歎曰清風明月恨無玄度

東山卧兮白雲迷

東山在上虞縣西北三十里謝

安石高卧之處李白憶東山詩云白雲他自散

少微窈兮幽鳥怨

少微山在會稽五雲門外

十里職方員外郎齊唐墓表云公退居湖山曰少微依山有亭榭獨以書史音樂自適

太白空兮

楚猿啼

太白山在剡縣西六十里與少白山連夏侯曾先地志云峻極于天岩崔嵬趙廣信鍊丹登仙

之處上有白猿赤獍

其水則浩淼泓澄散漫縈迂漲焉而大風焉

而波淨焉如練瑩焉如磨溢而為江緒而為湖為沼為

汴為潢為汙匯為陂澤疏為溝渠窳而田疇淤而泥塗

生我稻粱溉我果蔬集有鳬雁戲有龜魚實有菱芡香

有芙蓉鵲舟如擊

晉安海物異名記越人水戰凌波越敵則有鵲舟名

馬檝如驅

吳越春秋越人以船為車以檝為馬

龍天矯橋獸睂眙

白樂天詩船頭龍天矯橋脚獸

睂眙
堰限江湖津通漕輸航甌舶閩浮郵達吳浪槩風帆

千艘萬艫大武挽繹五丁譟譟榜人奏功千里須臾境

絕利博莫如鑑湖有八百里之回環灌九千頃之膏腴

圖經後漢馬臻字叔苻山陽人為太守創立鑑湖在會稽山陰之界築塘蓄水水高田丈餘田又高海丈餘若

水少則洩湖溉田如水多則開湖洩田中水入海所以無凶年其塘隄周四三百十里溉田九千餘頃一說鑑

湖八百里蓋總言之錢昭浮賀監之家唐書賀知章以度詩云越國荷花八百里

士詔許之以宅為千秋 甯允常之都史記少康庶子封觀賜鑑湖剡州一曲 於會稽後二十餘

世至於允常吳越春秋 人在鑑中舟行畫圖 輿地志云云越之興霸自允常始

郊郭款屬峯岫白水翠岩互相映發若鑑若 五月清涼圖王逸少云從山陰道上行如在鑑中遊

人間所無

杜甫詩鑑湖五月涼

有菱歌兮聲峭

謝靈運詩菱歌調易急王翰詩不知

湖上菱歌女幾箇春舟在若耶

有蓮女兮貌都

西施米蓮子若耶溪李白有米蓮曲

日出

今煙銷漁郎今嘯嘯東泛曹江哀彼孝娥

曹娥江在會稽東四十里

娥上虞人父溺死不得尸娥年十四沿江慟哭晝夜不絕旬有七日遂投江而死

西觀驚濤弔

夫子胥

浙江在蕭山縣西十三里史記吳王殺伍子胥取其尸盛以鴟夷革浮之江中吳人憐之為立

祠于江上

槩浦思夫槩之封

槩浦在諸暨縣北吳闔閭弟之子夫槩所封之地因

以為名

翁洲訪偃王之廬

翁州屬會稽郡國志云徐偃王昔居于翁州

簞醪投

今沼吳國

簞醪在會稽南三里勾踐投簞醪之所左傳伍子胥曰吳其沼乎

扁舟去兮

變陶朱

史記范蠡事越既滅吳乃乘舟浮海以行終不反止于陶天下稱陶朱公鼓樵風兮

游若邪

若邪溪在會稽縣東南後漢鄭洪字巨君山陰人孔靈符會稽記云射的山南有白鶴山此鶴

為仙人取箭鄭洪常采薪得一遺箭項有人覓洪還之問何所欲洪識其神人也曰常患若邪溪戴薪為難願

朝南風暮北風後果然故溪風至今猶爾呼為鄭公風亦名樵風

興雪棹兮尋隱居

別溪

一名戴溪晉書云王子猷嘗居山陰夜雪初霽四望皓然忽憶戴逵時在剡便夜乘小船詣之經宿方至造門不前而反人問其故子猷曰乘興而來興盡而反何必見戴袂事脩兮觴蘭渚

蘭渚即蘭

亭也義之序云會于山陰之蘭亭脩禊事也有清流激湍引為流觴曲水陶泓沐兮池戒珠

戒珠寺在戴山本王羲之別了溪鑿兮禹功畢了溪在

剡縣東

北源出了山越絕書云

刑塘築兮長人誅

刑塘在會稽縣北越絕記

大禹會諸侯于塗山執王帛者萬國防風後至禹乃誅之於塘賀循會稽記云防風氏其身三丈刑者不及乃

築高塘臨之故曰刑塘

酌菲泉兮懷古

會稽山大禹寺有泉名曰菲泉飲清白兮

自娛

卧龍山下州宅之西隅有清白堂清白泉太守范文正公命名有記

其物則有魚鹽

之饒

沈立越州圖序瀕海居人以魚鹽為生

竹箭之美

爾雅東南之美者則有會稽之竹箭

山涵海蓄忘其有幾貢入王室利周遐邇耕焉以火耨

焉呂水

漢書地理志云江南地廣火耕水耨民食魚稻

南風翼苗翠浪千里秔

秔一空王粒如峙炊粳釀秣既甘且旨櫟桑之奇號為

第一

吳錄太康地記並云諸暨境上諸山第一產麋桑文采如博基方正駢次有如畫作可為履藉上品

者一兩至數十萬

龍精僊僊吐絲滿室

蠶書曰蚕為龍精荀卿蚕賦云有物於此僊僊

化如神屢

萬艸千華機軸中出綾紗繒縠雪積縑匹

經圖

越貢花紗自編綾輕交梭綾輕容生穀吳綃十樣綾大花綾編文紗花羅

木則楓挺千丈山名

志云天姥山有楓木千餘丈

松封五夫

上虞有地名五夫始皇封松木為五大夫之處桐柏

合生

嵯縣金庭觀道經云上有桐柏合生

檫棐異隅

輿地志云餘姚有太平山四角各生一種

木不雜他木一角純檫一角純棐

文梓梗柎

吳越春秋吳王好起宮室越王使工入山

伐木天生神木一雙大二十圍

檫柎櫨榆

郡國志若邪陽為文梓陰為梗柎以獻吳王

客兒惠連作詩聯句刻於其上工虞有歷山山下多柏木吳越名柞為歷故曰歷諸暨有稽山剡有榆木山

連理之柯諸暨有木連理因合抱之株廼斧廼斤呂輿

呂廬廼有蕭山陸吉

東坡黃甘陸吉傳吉隱蕭山

諸暨三如圖經諸

如謂如錦之桑如胡栲成林賀瓜滿區

爾雅栲栲任昉述異記中有王

氏橋園胡氏梅山賀氏瓜丘陵家白蓮

棗實全赤檣腮半朱火榧殼玉櫻

桃薦珠鴨脚含黃雞頭去盧百益七絕之奇

爾雅櫟木瓜埤雅梨

百損一益櫟百益一損隱居云山陰蘭亭尤多木瓜人以為良果西陽雜俎材有七絕一壽二多陰三無鳥巢四無蠹五霜葉可愛六嘉寶七落葉肥大雙頭四角之殊

越多雙頭蓮埤雅夫俗言菱芰而不

分別惟武陵記云四角三角曰菱兩角曰菱

蔗有崑崙之號

本草注甘蔗有兩種赤色名崑

崙蔗白色名荻蔗赤蔗出江東會稽

梅有官長之呼

越有楊梅二種絕佳一日官長梅一日稜

梅蔓生則馬乳蓂蓂土實則鳬茈菰野藪谿毛園蔬

木菌相湖之蓴箭里之筍

蕭山湘湖出蓴菜會稽有美箭里

可薦可羞

采擷無盡鱗蟲水族海生池養丁首丙尾蟠腹縮頂赤

鰾文鰾玄鰾黃鰾

以上魚名並載於圖經越所有者餘皆類此

鴈人駢集以

釣以網羹金鱠玉不數熊掌能言之鶩善鳴之鶩

陸龜蒙養

能言之鶩王羲之愛善鳴之鶩

輸芒之蟹孕珠之贏文身合氏之子

蛤有

文故謂之文蛤元微之詩鄉味尤
珍蛤合氏子見東坡江瑤柱傳
跋足從事之徒元微之詩

蟹鮮稱街填巷委與土全多異獸
珍禽屑銅吐綬銅牛
從事

會稽縣夏侯曾先地志云昔有銅牛見於靈汜橋人逐
之奔入此山掘地視之卷銅屑也圖經太白山有鳥尾

似鷄文采五色口吐綠綬長數尺號吐綬鳥
猛虎負子蕭山有去虎山本名
綬長數尺號吐綬鳥

景德四年六月晦日虎負一子而渡
靈烏送鷺法華山
浙江而去知縣杜守一因改名焉

鷺長則送出之故惟此鳥在焉
唐鳳栖鹿化會稽有鳳
萬齊融守碑云雙鳥所以示北

越春秋禹會諸侯于稽山因傳國政鳳凰栖于水百鳥
伺于澤華公鳳林詩苗山會計圖書日威鳳曾栖辟王

枝龍瑞圖經葛仙翁有桐木隱
鶴拾雁耨孔靈符會稽
凡化為白鹿三足號為鹿跡山

西南有白鶴為仙人取箭因號箭羽山上虞有雁田州志云夏禹與諸侯虞樂於此化感鳥獸故其地雁為民

田春拔草根熊羆豹猴獾猿狢鷓銜鷓吐子衙母翅

鷓鷀吐而生子鷓求鷓關鷓浮鷓浴禽經曰鳧善沒鷓好浮埤

浴澄瀾洞鷓寒鷓瘦越多寒鷓秦少游詞寒鷓如丘俱得其實鷓黃

也有二種有胡燕有巧婦錐喙埤雅鷓鷀性巧故俗呼

越燕胡燕肥越燕瘦巧婦錐喙埤雅鷓鷀性巧故俗呼

至精春鋤雪脰爾雅鷓春鋤埤雅步於淺林棲水宿脩

尾長味禽經曰陸鳥曰棲水鳥曰宿又曰山禽之味多

奇葩異香牡丹如洛芍藥如揚

歐陽公花品序牡丹西出丹州延州東出青州

南出越州出洛陽者為天下第一揚州出千葉芍藥

木蘭載新

吳兢鎮東軍監軍使院記云大廈之

前木蘭特異越城之中稱為一絕當前政不軌之際忽焉凋零逮彭城王之鎮臨也綠葉紫莖戴新陽豔也

海榴懷芳

州宅舊有海榴亭唐李紳詩懷芳不作翻風豔列萼猶含泣露新

鞠山黃華

圖經菊山在蕭山縣西山多甘菊唐縣令李萼尉丘丹目之曰菊山

蘭亭國香

越絕書蘭亭在山陰

越王種蘭處

天衣杜鵑

天衣寺有杜鵑花最奇每歲盛開觀者競集

東山薔薇

李白

詩不到東山久薔薇幾度花

湖映香雪

越多梅花又餘姚有梅溪湖以梅得名

鑑生水

芝

李白詩荷花鑑裏生

鴛梅並蒂

越有鴛鴦梅雙頭千葉

仙桂丹枝

越有丹桂司

華騁巧天女效奇桃李漫山臧獲眠之藥物之產不知

其名白朮丹參甘鞠黃精吳萸越桃

山梔子一名越桃

禹糧石

英

嵯縣了山出禹餘糧諸暨烏帶山出紫石英

薊訓鸞之以療疾

圖經古廢市在州南

輿地志曰昔薊訓賣藥於此市中

彭祖服之而延齡

彭山在會稽縣北典錄云彭祖隱居

之秦皇求之而莫致

史記始皇令方士徐市等入海求神藥數歲不得

葛仙餌

之而飛昇

葛仙翁煉丹飛昇禹穴北有仙岩

日鑄雪芽

日鑄山在會稽東南五十五里

歐冶鑄劍之所覽古集云會稽日鑄山產雙芽不在建溪之後

卧龍瑞草

卧龍山亦產奇茗范文正

公清白堂記以建溪日鑄卧龍雲門之茗試之

甘液華滋悅人聞張伯玉云卧龍茶冠吳越

瀑嶺稱

仙茶經云餘姚縣茶生瀑布嶺者號仙茗

茗山關好圖經茗山在蕭山縣西其上多奇茗顧

渚爭先建溪全蚤碾塵飛玉甌濤翻皓生兩腋之清風

興飄飄于蓬島剡藤番番管城斑斑越紙出于剡舒元興有悲古剡藤文

圖經越冰敲嶠水張伯玉詩敲冰呈巧手注云越俗呼敲冰紙為巧手竹翦顧園

迷興記越中裂於蒙蔡之手遊於羲獻之間友陳元與有顧家斑竹

端紫全文字於人寰至若龍護金書龍瑞圖經黃帝藏金簡玉字書於宛

委山禹探得之唐開元二年投金龍于禹穴俄有一龍自穴出現于壇上賜號龍瑞宮苔封石刻

齊書志云會稽剡縣刻石山相傳于名不知文字所在宋昇明本縣名家兒襲祖行獵忽見石上有文凡三處

苔生其上字不可識刊苔去之有大石文立石文苗山
小石文云云或云衛夫人碑墮此中因以為名

金玉

山海經會稽山上多金玉下多珠石

邪董銅錫

吳越春秋云歐冶子為越王鑄劍破赤董

之山而出錫酒若邪之溪而出銅

黃帝之鑑

述異記世傳黃帝鑄鑑于此故名鑑湖

神禹

之壁

紹興丁丑禹祠之前有光見人即其處得圭璧

歐冶之劍

見邪董銅錫注

蔡邕之

笛

輿地志蔡邕避難于越宿千秋亭仰見

虞翻之牀

圖

五官省相傳有虞翻牀翻為吳長

秦皇之石

輿地志秦始皇刻石

前有方石廣十丈云是始皇座兩邊有方石八所云是丞相已下座

淳碑斯篆

漢邯鄲淳作曹娥碑

蔡邕題曰黃綃幼婦外孫廢曰

江筆肅墨

府治之北有筆飛巷江淹

夢筆之所也漢王肅隨父在郡東齋夜有女子從地中
出與肅語將曉辭別贈墨二貧時肅方注周易多有疑
滯旦用此墨雷鼓銅漏漢書王尊傳毋持布鼓過雷門
覺才思開敏注云雷門會稽城門也有大鼓
聲聞洛陽會稽黃閭故有銅漏古制甚精王梅梁窆石
義之書陸機漏賦鐫刻於上歷代以為寶

越絕書少康立禹祠于陵所梁時修廟少一梁木夕有
風雨漂一木至乃梅梁也今存窆石在禹陵之前舊經
云禹葬會稽取此石為窆秦少游詩云壘金履鐵晉太
一代衣冠埋窆石千年風雨鎖梅梁

上虞縣于道觀井中獲金壘故縣以金壘名驛郡國志
云塗山有石船長一丈云禹所乘來宋元嘉中於船側
掘得鐵履一雙梁壘銅印王晉太元年中謝輜為郡守
初又得青玉印掘郡廳柱下深八尺得古
銅壘可容數斗封題作越王字文甚分明是今隸書餘
不可識輜以為范蠡厭勝之術遂埋之今不識處玉印

見工 胎艸蹄石

圖經獵士陳惠度於剡山射孕鹿既傷產下一子以舌舐子身乾而後鹿母乃

死思度棄弓矢為僧鹿死之處生草號鹿胎草諸暨有馬蹄石傳云始皇東巡馬蹄踐此其跡存焉黃竹

神木

蕭山黃竹山越絕記云范蠡遺鞭于此生笋為流林竹色皆黃狀如刀割神木見文梓楓柟注

黃漢簾

西京雜記會稽貢竹簾號流黃簾

鏹子周樂

會稽記塗山廟中有周時樂器名鏹

于 活人之草

郡國志云會稽橫山有草莖赤葉青人死覆之更活

止痛之木

圖經郡王

官廨兩杉梁相傳勾踐聽事之舊梁歷代雖遠材質不異俗諺云千年之木能止心痛有削服者多愈

敷榮而華含戚

石氏宗譜新昌石昉墓前有柢木生而內向覆墳如蓋然守墓者言每有登科

者則柢有枝特生一枝一人或二三枝則二三人云會稽覽古集四明山有雙石如筍高數尺野花叢生其頂

杜鵑鳴時爛若霞錦國朝祖宗過密皆三年不榮職方齊唐嘗為之贊華鎮詩云鼎湖龍去蒼髯斷三載叢花

不記

天雨錢而山儲粟

刻有禪房寺舊經云齊安南將軍黃僧成有德政感天雨錢數

億萬遂捨造寺號錢房院梁天監中改禪房寺儲山在會稽東南有粟山周處風俗記舜時供儲在此皆

希世之奇迹蓋欲言而不足其人則見於吳越春秋會稽典錄

輿經墜志歷代東牘大書特書班班滿目孝者悌者忠者義者廉者遜者智者健者優於文詞者長於

吏事者擢秀科目之榮者策名卿相之貴者殺身以成

仁者隱居以求志者埋光屠釣之微者晦迹佛老之異

者虞翻之言有所不能盡朱育之對有所不能既典會稽錄

云孫亮時山陰朱育少好奇字仕郡門下書佐太守濮陽興正旦宴見掾吏問昔王景興問士於虞仲翔而未

觀仲翔對也書佐寧識之予亦焉能縷數之哉姑摘其

尤之一二前則種蠡計硯號賢大夫

按吳越春秋越王有八臣四友文種

范蠡計硯最顯

後則嚴助買臣直承明廬

漢書嚴助朱買臣皆會稽吳人武帝時俱

為侍中後皆

孝悌則張萬和之父子

唐張萬和諸暨人遭父母喪兄弟廬

墓二十餘年萬

韓靈敏之弟昆

齊韓靈敏剡人早孤與兄靈珍並有至性母亡

無以營函共種瓜半畝朝暮生遂辦葬事

鄧斯祁樊自歿以代臯

朱育對曰處士鄧廬

叙弟犯公憲自殺乞代吳寧斯敦董黯朱魏報讎而名

山陰祁庠上虞樊正成代父死罪董黯朱魏報讎而名

間虞翻對曰勾章黠盡心色養喪致其哀恣親之辱

白日報警海內名聞又魏朱恭明永興人父為烏傷

長陳頤所殺恭明志在報警未聞頤病亡刺殺其子遂

奔魏後漢魏少英上虞人兄為鄉人所殺少英報警訖

遂亡或濕衣以障火丁興會稽人家近荒野火沿燒

命或濕衣以障火興母老病乃濕衣覆母以身障火

身死或泣血以戢焚許伯會蕭山人遭母喪結廬墓側

母存或泣血以戢焚野火將及墳所乃悲號慟哭天忽

降雨火或銜哀而廬墓山陰鍾離表剡鄭僧保諸暨張

則隨滅或銜哀而廬墓萬和蕭山許伯會戴恭皆以廬

墓著或負土以成墳諸暨張孝和中屠氏女蕭山或以

名行而名里剡王知元父喪哀毀卒高宗改為孝義里諸

暨賈思會母亡以至孝聞有司奏改其里為

孝義里永興郭世道負土成墳表或以義而旌門山陰

嚴世

期好施募善有司奏榜其門曰義行刻公孫達居喪事

母名聞郡縣

詔表門閭

蕭山俞僅一門四代兄弟十五

人老幼八十餘口為鄉里所稱

觀懿矣三女齊書會稽

察使孟簡書于圖經以勵風俗

女無男祖父母年八九十相繼

卒三女自營墳塋為庵舍墓側賢哉二城注曹城見曹江

上虞朱回女也母亡養于祖媼

競持刀欲投媼一家驚潰獨

媼號呼而前擁蔽媼手挽

顏刀曰寧殺我毋殺媼也媼脫

帛其後會稽令董偕為媼立像于曹城廟四時配享處

子之孝凜然可多節義則黃公居四皓之列

公潔居暴秦之世高祖即祚不

能一致惠帝恭遜出則濟難魏少英參八雋之儔

少英

見後漢黨錮傳虞翻曰少英遭此屯蒙難衛主則有若

丁潭晉丁潭字世康山陰人薊峻亂成帝蒙塵於石頭潭隨從不離帝側委身授命則有

若王脩虞翻曰句章王脩委身授命垂聲來世虞喜躬歲寒之操晉虞喜字仲寧

餘姚人太康中詔曰喜潔靜其操歲寒不移孔愉洪止足之謀晉孔愉字敬康山陰人史

替曰愉洪止足之分有廉遜之風或一門死三世之義虞翻曰決曾掾上虞孟英三世

義或一邑萃三康之仁山陰孔愉敬康張茂偉康丁潭世康齊唐時人號會稽三康

至若松楊柳朱永寧瞿素婦節崢嶸蹈死不顧朱育對其女則

松楊柳朱永寧瞿素或一醺守節喪身不顧或遭冠劫賊死不虧行卓行則鄭洪韓說鍾

離意朱雋戴就舉於孝廉

後漢鄭洪韓說鍾離意皆山陰人朱雋戴就皆上虞人並

舉孝

廉虞潭孔奐沈融朱仕明舉於秀茂

晉虞潭餘姚人陳孔奐山陰人

唐沈融會稽人並舉秀才齊朱仕明剡人舉茂才

虞寄起於對策

虞寄餘姚人弱冠對策高

第起趙睦推於有道

後漢趙睦山陰人舉有道

陳子公退侵墜之藩

會稽陳囂字子公以遜為行與紀伯為鄰伯竊囂藩地自並囂見之不言移一丈以潤紀伯伯覺知悉俱乃還所侵之地兩邊俱退乃為一路鴻嘉三年太守右扶風周府君刻石旌表號曰義里長簷路

鍾離牧

拒慙還之稻

吳鍾離牧山陰人居永興種稻二十畝臨熟民認之牧遂與稻後民慙還收閉門不

受循吏則有還珠孟嘗

後漢循吏孟嘗字伯周上虞人為合浦太守郡無耕稼所資珠

璣前政貪殘珠徙交趾致雁虞國孔睦記云虞國餘姚人漢時為日南太守

嘗清潔無求珠乃還郡有憲政行部有雙雁隨軒舞及還餘姚雁奔隨歸國卒雁栖于墓側後遂成羣今餘姚有雙雁鄉希銑

遺四州之愛唐康希銑會稽人為饒海台睦四州刺史顏魯公撰碑今斷碑猶存夏香著

歷任之績夏香字曼卿蕭山人會稽典錄云香歷任邑長皆有聲績儒學則王充以

論衡顯後漢王充字仲任上虞人著論衡八十五篇沈珣以大義稱唐沈珣會稽人

撰九經大義百卷謝沈謝承之史學晉謝沈字行思山陰人明練經史撰晉書三十餘卷

承字佛平亦山陰人博學孔僉孔祛之明經梁孔僉山陰人通五

經尤明三禮生徒數百人三為五經博士孔子祛亦山陰人講尚書聽者嘗數百人著尚書義二十卷賀

孝先擅儒宗之號

晉賀循字孝先山陰人經學第一為江東儒宗

虞伯施剽博

學之名

唐虞世南字伯施太宗稱西南有五絕其一博學也

文章則孫興公挾金

聲之賦

晉孫綽字興公會稽人作天台賦謂友人曰卿試擲地當作金聲

徐季海揮玉

堂之策

唐徐浩字季海為中書舍人詔令誥策皆浩為之

晁若春榮則任奔虞

翔

朱育對曰文章之士則任奔虞翔齊馳文檄晁若春榮

文不加點則四明狂客

唐賀知章字季真永興人自號四明狂客醉後屬詞動成篇章文不加點

二賀二虞蜚聲籍

籍

唐賀得仁山陰人與從兄德基以文辭稱人為語曰學行可師賀德基文質彬彬賀德仁虞世南與兄世

基俱善屬文時人方之二陸

吳融十詔成於俄刻

唐吳融山陰人昭宗時為翰林學士

中書舍人帝曾指授疊十許藁
融跪作詔少選成語當意詳
隱逸則嚴謝泰方述睿

充符

後漢嚴光字子陵餘姚人晉謝敷會稽人月犯少微星占者以隱士當之俄而敷死唐秦系會稽人

初隱于剡後居泉州南安人號其山為高士峰方千字雄飛今五雲門外有方千島登波坊有方千池皆隱所

也唐孔述睿山陰人與兄充符皆隱嵩山
方術則介象吳範嚴卿夷吾
吳介字

元則學氣術能于茆屋上煮物而火不焚吳範字文則明歷數知風氣皆嚴卿善卜筮皆會稽人後漢謝夷吾字亮卿山陰人學
丹青則孫過道芬
芬名畫錄孫過僧道芬皆會稽人以善

畫著
筆札則孔琳徐嶠
宋孔琳之山陰人徐嶠之會稽人皆善草隸書
浮屠則

道林靈澈

晉僧支遁字道林居沃焦山與王謝諸公遊唐僧靈徹會稽湯氏子也工詩與劉郊善

神仙則劉晨阮肇

續齊諧記漢永平十五年剡縣有劉晨阮肇入天台山採藥因遇女仙半

年還家並無相識驗得七代孫至太原年失二人所在

迺有谿上浣紗之女諸暨有西

施浣紗石

林間舞劍之姝

吳越春秋越有處女出於南林越王聘之問以劍戟之術色白

天下

杜詩越女天下白

氣雄萬夫

越女論劍曰聞斯道者一人當百百人當萬王欲試之其

術即見

故勾踐復國也有六千君子

史記越伐吳發教士四萬人君子六千人

項氏崛起也有八千子弟

史記項羽起會稽得精兵八千人渡江今山陰有項里乃

羽與叔父梁避仇之地

霸有江淞橫行當代彼二霸之得人尚斗

量而車載矧歷世之人材亦足明其大槩逮我國朝尤

號多士二百年間不可勝紀大則杜正獻之勲德

杜祁公衍

字世昌會稽人謚曰正獻

次則孫威敏之功名

孫大資沔字元規姚會稽人謚曰威敏姚

石郎司元祐之直

姚給事劬字輝中山陰人元祐中為諫官有直聲

顧內相號

江南之英

顧內翰臨字子敦會稽人東坡贈詩云君為江南英面作河朔偉

萬石雲仍

匪建則慶

新昌石氏為東南名族國朝登第者幾三十人

二陸棠棣如龍與衡

陸左丞佃字農師弟傳字巖老俱有才名比晉二陸

吳先生風高於賀老

吳先生名牧嘉

祐治平間名士捨宅為泮宮今有祠堂存君子以為賢于賀監一等齊職方迹擬於淵明

齊賢良唐字祖之仕至職方員外郎退居湖山名曰少微自為詩云直當山面開三徑平截波心種綠楊錢

氏世賢科之盛

錢內翰易會稽人景德三年中制科子明逸慶歷二年彥遠慶歷六年並中制

科史門繼衣錦之榮

劉中史氏兄弟相繼登科鄉號繼錦

劉求以義門顯

會稽求氏上虞劉氏並號義門

杜趙以處士稱

王荆公有贈越中處士杜醇詩趙處士仲淵祥

符中被召不赴

或覽古以不詠

故朝奉大夫華君名鎮字安仁嘗著會稽覽古詩百餘篇

編圖而著名

諸葛深字通甫總集歷代帝王年紀自三皇至于大宋編之為圖名曰紹運

若聯翩桂籍焜耀簪纓名登史策足疊天庭蓋嘗詢之

故老往往莫識其名矣故千岩競秀萬壑爭流者顧長

康之言也

劉義慶世說云顧長康從會稽還人問山川之美顧云千岩競秀萬壑爭流

山轉

遠轉高水轉深轉清者李浙東之記也

唐李遜游妙喜寺記越州好山

水山轉遠轉高水轉深轉清

瑰奇市井佳麗閨閣者白餘杭之詩也

白樂天和元稹陽明洞天詩云瑰奇填市井佳麗溢閨閣

忠臣係踵孝子連閭者虞

功曹之對也

虞翻對王府君曰海岳精液善生俊異是以忠臣係踵孝子連閭下及賢女靡不育

焉越之山川風物其大略如此子真始驚而疑卒歎而

歎曰壯矣哉盛矣哉山川如斯人物如斯吾未之前聞

也然越在春秋僻處東陲夫子作經尋為於越其人材

風俗固未可與齊晉魯衛諸列國抗衡也今有君所稱

幾不容口豈昔日遠於京畿含香未越如王景興之言

邪

王景興問虞翻曰聞王出昆山珠生南海遠方異域各生珍寶曾聞士人歎美貴邦舊多英俊徒以遠於

京畿含香未越爾功曹雅好博古寧識其人邪翻對云云抑山川降靈孕秀固自有

昔邪抑亦因人作成而致然邪有君曰昔嚴朱二子為

漢名卿畫綉故鄉夾道郊迎爭觀快覩欣豔其榮故其

俗始尚文學而敦功名

嚴助朱買臣貴顯漢朝文辭並發上拜買臣會稽太守謂曰富

貴不歸故鄉如衣綉夜行今子何如買臣頓首辭謝

晉王右軍為越內史雅會蘭

亭流觴曲水臨池墨妙輝映千祀能使遺文感慨君子

故其俗始尚風流而多翰墨之士

晉王羲之除右將軍會稽內史以上已日

與謝安孫綽許詢之流會于蘭亭流觴曲水自為之序其末云後之君子亦將有感於斯文

唐元微

之一代奇才罷侍玉皇謫居蓬萊賓賓鄰白唱酬往來

繇是鑑湖秦望之奇益開故其俗至今好吟詠而多風

騷之才

唐元稹字微之罷相為浙東觀察使辟竇鞏為副鞏工于詩與之酬和故鑑湖秦望之奇益傳

時號蘭亭絕唱微之州宅詩云我是玉皇香案吏謫居猶得小蓬萊時白樂天守杭常以詩筒往來後白赴關留贈云從此舟人應省事寂寥無復遞詩筒不獨此數君子也任延張霸以

尚賢為治而俗始貴士

後漢任延為郡尉會稽稱多士延皆聘請高士如董子儀嚴子

陵待以師友之禮郡中賢士大夫爭往附焉張霸為守表用處士顧奉公孫松等其餘有業行者皆見擢用郡

中爭厲志節習劉寵車俊以潔已化下而人斯尚清後經者以千數

劉寵為太守郡中大化召為將作大匠山陰五六老叟人齋百錢送寵寵為人選一大錢受之吳車俊為太守

在公清忠第五倫下令而淫祀之風革後漢第五倫為太守俗多淫祀常椎牛祭

神財產困匱其自食牛肉而不以薦祠者發病且死先為牛鳴前後郡將莫敢禁倫到官移書屬縣曉告百姓

後遂斷絕諸葛恢莅政而陵遲之俗興諸葛恢為太守元帝謂曰今之會稽昔之

關中政之所先君為言之恢曰今天下喪亂風俗陵遲宜尊五美屏四惡進忠實退浮華帝納之以政績第一

增秩至若李唐刺史九十八公首有龐玉顯有姚崇圖經

十子郡績稱雄

唐太守題名記九十八人總管龐玉為首其最顯者姚元之後為開元賢宰相

其以名見于圖經者十人李大亮竇懷仁薛平陸亘楊於陵李遜薛成元稹王式式弟龜國朝逮今

蓋百餘政前有文簡後有文正題名所記比唐為盛

宋太

守題名記始于畢文簡公士安其間顯者非一而尤賢者范文正公承宣得人風俗斯美

蓋亦理之然也子真曰是誠有之然皆二千石之事爾未足多也願聞其上者有君曰昔勾踐懲會稽之棲也

史記越王伐吳吳敗之夫椒越王乃以餘兵五千人保棲於會稽痛石室之辱也

吳越春秋

越王入臣吳拘於石室膽之中越王服犢鼻著撻頭所剗養馬蓼目水足抱冰握火

越王

念復吳讐苦心勞身夜以接日目卧則切之采藪於山

以蓼足寒則漬之以冰冬常抱冰夏還握火

越王為吳王嘗惡遂病口臭范蠡乃令左右皆食岑

置

草以亂其臭越人至今以為俗岑草戩也見前注

膽于坐

史記勾踐反國置膽于坐坐卧即仰膽飲食亦嘗膽也曰汝忘會稽之恥邪

葛婦興

歌名曰何苦其詞曰嘗膽不苦味若飴令我采葛以作

絲

吳越春秋越王使國中男女入山采葛作布以獻吳王吳王大悅葛婦傷越王用心之苦乃作何苦之詩

云二十年間焦心苦志卒滅強吳以雪前恥越絕之稱

權輿於此

越絕書問者曰何謂越絕越者國之氏也絕者絕也謂勾踐時也

故其俗至

今能慷慨以復讐隱忍以成事若是何如子真曰茲伯

者之事也傳不云乎粹而王駁而霸彼齊桓晉文之盛猶不足稱於大君子之門况勾踐乎有君曰昔禹治水之畢與羣后計功苗山更名會稽卒而葬焉祠廟陵寢

于今尚存

圖經禹陵在會稽山吳越春秋禹到越因病死葬焉葦榔桐棺穿壙七尺下無及泉墳高

三尺土階三等越絕書少康立祠於禹陵所

上有遺井

賀循地志云會稽山有禹井去禹穴二十

五步謂禹穿鑿故因名之

下有菲泉過而飲者莫不發免魚之歎興

河洛之思不獨勾踐有其烈

史記勾踐有禹之餘烈

馬侯嗣其功

馬臻創立鑑湖

至今其俗勤勞儉嗇實有禹之遺風若是何如

子真曰美哉禹功宜其代舜而有天下也游於是窅於

是廟食於是茲所以化被萬世之久也然說者以為入

聖域而未優其必有大於此者乎有君曰舜生於諸馮

孟子以為東夷之人歷世逾遠流傳失真太史公以為

冀州然邪否邪

史記舜冀州人冀在河南非東夷也與孟子之說異

然越之邑則

有上虞餘姚

國經夏禹與諸侯會計因相虞樂於此故曰上虞周處風土記云舜後支庶所封舜

姓姚故曰餘姚一曰謂邑有姚丘即舜母握登感大虹生舜之地

山有虞山歷山

圖經虞山

在餘姚西三十里一云在上虞之東太康地志云舜避丹朱于此歷山在會稽東南八十四里舊圖經云昔舜

耕之 水有漁浦三憺

圖經上虞縣北有漁河是舜漁之處又上虞有地名漁濱虞濱水經

地高險回曲使者至險輒憺然而歎故曰三憺 墜則

有姚丘百官

風土記舜生于姚丘去上虞四十里有姚丘即姚丘也新記云書平章百姓今上虞

有百官里會稽記百里焉有稟

上虞有稟里舜時供儲在此

陶焉有

灶

上虞有古陶灶言舜所作

汲焉有井

舜井在上虞西北三十五里又有舜水在縣南二百五十

步

祀焉有廟

舜廟在上虞縣西三十五里

皆其遺迹也意者不生於

是則游於是乎舜為人子克諧以孝故其俗至今烝烝

是徵舜為人臣克盡其道故其俗至今孳孳是蹈舜為

人兄怨怒不藏故其俗至今愛而能容舜為人君以天下禪故其俗至今廉而能遜若是何如子真矍然離席而立拱手而對曰於戲噫嘻盡善盡美雖甚盛德蔑有加矣昔季札觀樂而止於韶自韶之外不敢觀余問風俗亦極於舜自舜之外不復問矣無妄先生粲然失笑於旁曰固則子真之問有君之舍也茲皆古之越非今之越也人死骨朽世變風移山川雖在人物已非前日淳朴變為澆偽前日廉遜變而爭狡前日勤儉變而矯

怠前日忠孝變而凶悖尚何執紙上陳迹而譏譏其頰
舌邪有君曰先生之言是也然風俗不常美亦不常弊
善焉惡焉維人是繫今朝廷駐蹕東南越為鉅藩審邇
堯天蓋尺五間帝命重臣來鎮是邦入境問俗登堂觀
風卧龍山有觀風堂因舜禹之遺化明吾君之至仁布德教於

黃堂變薄俗而還淳矧何世之無才亦奚有於古今子

不見夫銜命邊庭死於王事如陳公張公者乎

陳公名過庭張

公名宇發靖康間為和議使咸死於敵中議禮靖康赴難建炎如華君傳君

者乎

華君名初平靖康初為太常博士議禮不屈事見李叅政所作墓志傳君名崧卿建炎間敵侵浙東

越守以城降公舉兵赴難越人賴之

是豈異代之人邪又不見夫姚江陳

公

陳公名索

所臨有聲亦克知退身名兩榮執政李公

李公名光

忤意權臣老於淪落世賢其人愍孝蔡子捐生可悲同

彼旌忠廟食于茲

蔡孝子名定父以罪繫獄請代弗許遂自沈于河竟脫父罪事聞于朝立

廟號愍孝建炎間越守以城降敵班直唐琦奮帆擊金人慢罵而死廟號旌忠

隱吏王君名公

哀子斬發冢之讐自投于府

斬讐著名一門可稱賢父難兄茲固先

生目所親覩也安知後之眡今不猶今之眡古乎先生

曰有君越人也知越之風俗而已矣昔子虛夸雲夢烏有先生詭齊亡是公折之以上林之事今越未足侔齊楚之大尚何足以夸之有君曰昔吳子問柳先生以晉國之事而柳以晉對今子真問余以越國之俗而余以越對亦各因其所問而及之爾余豈嘗然無聞無知於越之外哉今天子披輿墜之圖思祖宗之績求治如不及見賢而太息文德既脩武事皆闕蓋將舞干戚而服遠夷復侵疆而旋京闕余竢其車書全南北一倣吉甫

美周室賦崧高歌吉日招魯公命元結磨蒼崖禿鉅筆
頌中興紀洪烈邁三五覓前牒亘天地昭日月於是窮
章亥之所步攷神禹之所別覽四海九州之風俗掩兩
京三都之著述騰萬丈之光芒有皇宋一統之賦出回
眊會稽蓋甄陶中之一物無妄先生自知失言色有餘
媿廼與子真逡巡而避有君退而嘯傲於南窓有飄飄
凌雲之氣

民事堂賦

并叙

堂名民事志天語也某備員越幕歲將暮顧惟不才曹然無補日以敗官曠職為憂所幸黃堂主人甚賢同僚皆士君子朝夕講論無非民事之要者因為之賦以志其一二云

繫越幕有下僚兮名所寓曰民事之堂誦天語之丁寧兮銜聖恩而不敢忘啖民脂以飽妻子兮猶雀鼠之偷太倉苟不民事之是思兮又將奚適乎天殃嗟會稽之大府兮罹荐歲之凶荒颶風作於孟秋兮雨浸淫而異

常天吳怒而江濤沸溢兮飄廬舍而壞隄防染盛害而

歲大侵兮民餓踣而流亡射的黑而米斛千兮擷蓼花

而為糧

是歲飢民擷蓼花掘草根而食

痛瀕海之蚩蚩兮葬江魚之腹

腸

上虞縣淪死者幾百人

予嘗告其故於前使君兮請敷奏於岩

廊顧幕中平日之辨兮人迺斲其為狂會伯尊之傳召

兮達民瘼於九重予殆有類於輦者兮亦何恨夫言之

不庸洪惟當宁之至仁兮視赤子其如傷蠲常賦而救

天菑兮出內帑之所藏哀東州之無告兮惠吾民以龔

黃左公孝而右孟博兮相與協贊其惟良先撫字而後
催科兮正今日之所當寬公私之積負兮以俟乎歲之
豐穰省訟牒之煩苛兮抑蠹政之豪強節無用之浮費
兮俾斯民之小康茲政事之所急兮敢不忠告乎黃堂
至若鑑湖利及九千頃兮日侵削而就荒歲和買無慮
十萬嫌兮曾無一錢之償權酤之利半奪於有力兮財
賦浸以荒涼兼并之弊熾於大族兮編氓餒於糟糠茲
又越中之巨害兮姑略言其大綱若夫民事之在天下

兮固不足以知其詳有一言以盡之兮曰生之而不傷
擇守令兮去姦賊慎弗擾兮如牧羊茲畎畝之惓惓兮
願入告于天王

蓬萊閣賦

并叙

越中自古號嘉山水而蓬萊閣實為之冠昔元微之作
州宅詩世稱絕唱近代張公伯玉三章膾炙人口好事
者從而和之獨未聞有賦之者某筮仕之初辱為蓬萊
客廼者中秋之夕與同僚會飲于茲閣覽湖山之勝翫

月于樽俎間即席賦詩諸公皆和既而念之閣不可以常登一詩不足以盡意遂從而賦焉

王子遊會稽客蓮幕登卧龍之山躡巨鼇之閣秀闕千
岩流觀萬壑縱遠目於東州暢幽懷於廖廓于時天高
氣肅秋色平分簪盃良朋把酒論文俯仰湖山懷古傷
今登高賦詩以寫我心周覽城闔鱗鱗萬戶龍吐成珠
龜伏東武三峰鼎峙列嶂屏布草木龍葱烟霏霧吐棟
宇崢嶸舟車旁午壯百雉之巍垣鎮六州而開府東望

稽山思禹之功喬松鬱乎故陵丹青儼於祠宮藏丹書
於黽穴流遺畫於無窮南目秦望哀秦之過方鑱石以
頌德驕顏色以相賀嗟仙藥之不来俄腥風之已播西
望夕陽送目蘭亭懷王謝之風流感斯文而涕零徒觀
夫茂林脩竹鎖烟靄而冥冥北望滄海渺其無涯方吳
門之畫龍視越國其如蛇轟雷鼓於一震虛吳國而成
窪訪麗譙之故址第見乎古木之號鴟前瞻鑑湖滿目
雲水嘉馬侯之偉績慕賀監之高軌祠荒兮遺迹半湮

宅冷兮黃冠無幾徒有漁舟賈楫風樵航輩往來乎鷗
鷺之鄉欸乃乎煙波之裏仰瞻高閣翬飛崔嵬俯瞰州
宅緬懷高才面無時之屏障家終日之樓臺長湖山之
價於几席之上惜斯人之安在哉言未畢客有指斯閣
而謂予曰子亦知夫閣之所以得名者乎蓋始於元和
才子也以玉皇紫吏之尊擁旌麾於千里也蓬萊隔弱
水三萬里以筆力坐移於是也齊名有白從事有聳胸
中有萬頃之湖真一代之奇偉也詩章一出遂能發秦

望之精神增鑑湖之風采蘭亭絕唱亘古今而莫擬也
子亦讀夫才子之傳否乎姑問訊其從何而來集乎彼
而至于此也才子之才固足以起吾子數百年之簪慕
才子之所以獲侍玉皇者亦吾子之所喜攻而深恥也
夫何昔之有予於是引客之手揚袂而起言契予心諾
諾唯唯有是哉斯人也而至於斯也尚忍言之哉俄而
鼓角作於人間明月出於林端妙三弄之梅花爛十分
之銀盞醕一觴而徑醉有不盡之餘歡頃之陰雲忽興

點綴青天漸山川之蒙籠若有妒乎婢娟倚危闌而感慨覺興盡而思旋矣於是相與啜茗於清白之堂漱齒於清白之泉閱唐宋之題名終夕為之慨然嗚呼噫嘻死者可作吾誰與歸其無出乎文正范公之賢

梅溪後集卷一

欽定四庫全書

梅溪後集卷二

宋 王十朋 撰

詩

丁丑二月二十一日集英殿賜第

太平天子崇儒術寒賤書生荷作成槐市育才叨舍選
楓宸唱第冠時英聖恩寬大容愚直御墨褒嘉佩寵榮
却笑劉蕡不遭際徒令紙上有虛名

遊天竺贈同年

雅會清時不易逢
吾儕今日此游從
逼人英氣湖光瑩
照眼恩袍草色濃
文盛一時俱俊傑
名先千佛媿疎庸
致身許國宜相勉
莫學平津但取容

贈閻同年

安中

飄飄吳蜀兩哀翁
尊酒論文偶會同
名在儒科雖後我
言關國體豈如公
休嗟世路多巖嶮
共報君恩有撲忠
此日游從足可惜
行將渭北與江東

閻和詩叙別再用前韵

我本東嘉田舍翁登科偶與蜀龍同
盍簪經月欽高誼分袂令人念此公
幕府可能淹俊傑宸襟應亦記精忠
他年攬轡游吳越訪我茅廬浙水東

贈梁同年介

君家錦水邊我居浙江東各在天一涯
芳尊偶相同君方富青春勁氣吐長虹
我老志亦衰倚麻媿蒿蓬會合已踰月
周旋見高風久客思故鄉歸心各怱怱
贈君無

別言相期盡孤忠

次韵陳大監

揆見贈

中興天子尤崇儒，衆賢彙進如聯珠。
鄒枚待詔萃金馬，臯夔接武相俞都。
策士初期異人出，不尚虛文與聲律。
況當盛世多賈生，晁錯豈容為第一。
自慙俗學非名家，遺經獨抱居東嘉。
齏鹽太學浪十載，豈有文許時人夸。
芻言旅奏宸庭策，狂妄誤蒙明主擇。
生天偶在千佛先，材劣名浮有餘責。
潁川丈人詩絕奇，長篇勉我毋趨時。

欲報君恩答知己胸中耿耿何當施

次韵劉長方司戶見贈

楓宸昔羨君登第蓮幕今慙我効官相見可嗟頭并白
老来自合量俱寬不嫌此日成名晚最喜平生取友端
待報君恩知死所却同神武掛衣冠

陳大監用賞梅韵以贈依韵酬之

潁川丈人賢矣哉青眼喜為清流開詩章翰墨兩奇絕
筆下一字無塵埃品題人物獎後進措紳樂善公為魁

東嘉賤子生太晚猶幸識此真人才
竭來西游也不惡
錦囊所得俱瓊瑰區區科第何足道
此行似為詩篇來
客中拜貺更重複丙穴魚及郫筒杯
大監近以魚水見貺
舊問歸橐首言帶得公詩回

大監復贈詩紙尾有留餘語再用韵以謝

平生漫學乎歟哉心茅胸棘鋤不開
得公新詩一再讀
便覺胸宇清無埃銀鈎妙畫發光艷
照眼有如參與魁
鰕生肺腑非太白公似工部尤憐才
旅中屢獲錦繡段

但媿欲報無瓊瑰豫章一榻不妄下賢非徐孺安敢來
荷公此意最敦篤一笑當奉論文杯鄉心如飛不可遏
更為長者遲遲回

謝榮帥薨贈御書孝經用陳大監韵

輦轂之下先彈壓茲言雖佳未足法丈人身居彈壓地
撫字心勞民自洽神聖當天萬物春王畿共理嘉得人
雲漢昭回賜優渥不特為公端為民聖經一章公獨得
黃堂慈鬱生春色賢哉名卿才大夫匪懈事君端可則

石刻分餘猶及我榮耀驚聞浙江左從今蔀屋光屬天
更有寵褒雲八采某前日廷對蒙宸翰八字之褒願公勉為不朽傳長
如治吳與治川要令列郡法青白了無一吏橫索錢

陳大監餞別用前詩珠字韵以謝

宸廷僥冒先諸儒寵褒况獲驪龍珠

謂宸翰也

青衫黃牒拜

君賜紅蓮綠水官留都明日扁舟欲東出訪別長憂礙
新律丈人呼酒如韓公賤子媿非張十一酒闌未放客
還家活火煎泉亨葉嘉西來頻下豫章榻盛事當作還

鄉誇始終尚賴公鞭策邪正途中知所擇捐軀誓報明
主恩青史庶逃千古責况公自是人中奇境鄰呂望逢
明時行持從橐奉清問美惡願分嫫與施

用陳大監韵謝王國錄季羔見贈

吾宗神秀時名儒贈我三百隨侯珠野人不識希世寶
但見照眼清而都我昔遙從鴈山出旅食賢闕淹歲律
雅欽陸子常患多更歎張融可無一長淮久絕誰起家
青箱有君殊可嘉祠科得雋誚子厚何止文許後生夸

我拙慚無濟時策老境初官尚何擇江南蓮幕君故鄉
竊比聊逃簡書責寒賤誤蒙君見竒祖別贈言榮一時
明日東歸詫閭里五絕首稱虞伯施

陳郎中 公說 贈韓子蒼集

唐宋詩人六七作李杜韓柳歐蘓黃近來江西立宗派
妙句更推韓子蒼非坡非谷自一家鼎中一鬻曾已嘗
丈人珍重贈全集開卷爛然光焰長詩如此公固足貴
賜出仁者尤難忘兼金白璧不足道願寶茲集為家藏

鯁生幸脫場屋累老境欲入詩門牆古詩三百未能學
句法且學今陵陽

章季子贈端硯

有客贈端紫剛方如正人喬傳家萬石力助筆千鈞磨
鐵嗟吾老著書欣爾新何當與毛穎相約侍嚴宸

次韵陳大監赴天申節宴

聖主仁心等南北燧息邊庭兵不宿兩階千羽來遠人
大度端能色濮祝萬歲三呼誕彌月四海千秋太平曲

宴開文德賜羣臣喜溢天顏明四目向來獻壽人誰在
元凱重登共繇逐武夷戎監老風騷去國十年官始復
捧觴首賦天保章遥指南山祝君福更獻曲江金鑑錄
不但能歌連理木賤臣逢時最僥倖歸美寧辭管城禿
願同韓愈頌元和兼美武公歌綠竹

謝李侍郎琳贈御書

君不見西京孝武稱材雄致治欲與唐虞同詔求賢良
論闕政翻取曲學公孫弘又不見文宗在唐號儒雅制

詔勤勤策羣下劉蕡切直棄不收卒使太阿歸宦者吾
皇策士親臨軒不為故事求空言猶疑有司効馮宿或
恐前列登公孫九天賜下飛奎翰照眼昭回倬雲漢抑
尚忠諫有訓詞品題高下由宸斷儒宗被命持文衡銀
鈎拜賜恩非輕歸將藥石刊聖語分貺下及狂愚生畎
畝惓惓蓄忠憤射策自慙言不盡它日倘陪鴈鷺行願
効魏公據底蘊

塗中得寶印叔二詩次韵

十年行役厭間闌一第初叨髻已斑
重念此生難報處君親恩德重丘山

雙親不見不勝悲銜恨何曾有住時
二叔尚存俱白首歸來猶足慰哀遲

次韵寶印叔題壁二絕

風掃園林萬木殘道人眼界却宜寬
北窓趺坐對松栢人物青青俱歲寒

早已心潛不二門猶將土苴與人論
未須隻履西歸去

且作人間老世尊

萬府君輓詞

咏中

不廢東平業思興畢萬門短檠書自照鐵硯志長存冠
玉貧寧久蘭亭秀更蕃一門今盛大詩禮荷公恩

肯歎儒冠誤長隨舉子忙何戎成雅志小阮發幽光原
冷鵠猶近椿摧桂始芳老成嗟不見猶記貌堂堂

致政宋承事輓詞

蘭玉盈庭戲綵衣顏如童子壽期頤臨行四絕勝四偈

遜世五休高五噫藍袖晚霑天子命芳樽首致使君詞
誰云汲冢藏書富應媿無公千首詩

張德惠輓詞

隱居高躅已茫然潛德如公亦足賢早見鄉評稱孝子
晚聞詩史記凶年事殊伯道兒宜有行過王珪廟已先
滿腹玄談共誰語九原歸去訪伊川

宿羅漢三絕

梵舍十八所道場皆矩羅茲獨號羅漢想應無漏多

鴈蕩屢經眼箇中方再遊何時脫塵鞅來此飽清幽

故鄉從此去借問幾時還先去

聲

自思兄弟那堪宿雁山

游大龍湫和前韵

十年重到大龍湫千尺新流勝舊流會見四方霖雨足
老龍還向此藏頭

游靈巖輝老索詩至靈峰寄數語

雁蕩冠天下靈岩尤絕奇烟霞列屏障

烟霞障

日月明旌

旗

屏旗

岩前有卓筆

卓筆峰

可以書雄詞天聰况非遙

天聰

洞涸然聽無疑願起靈湫龍霖雨行何為願用真柱石

天柱峰 永支廊廟危願煽造化爐煽韜四海歸淳熙願招

鸞鳳友雙鸞峰朝廷相羽儀何人夢石室石室屬靈峰妄誕夸

一時那能了世緣未免貪嗔癡名山誤見汙公議安可欺願借靈湫水一洗了堂碑詩以寄老禪狂言勿吾嗤

題瑞岩

鴈蕩看不足瑞岩遊更貪闊奇雖有媿蘊秀了無慙澗古水鳴玉寺幽山染藍忽忽一宿去未暇問三三

題天台國清寺

十里松聲接澗泉清音入耳夜無眠

寺有清音亭

宜於四絕

中稱絕

四絕事見寺碑

誰向三賢後更賢

豐干寒山拾得

寺就已無陳

日月

寺建於陳而成於隋

時清長是宋山川

初智者云此寺成國即清矣故號國清真

廟時賜號景德國清

明朝杖屨尋劉阮不待桃花入洞天

題大慈寺

巍嶺迢迢入翠微梵宮佛隴鎖烟霏斷碑古寺曾經眼

剛笑陳隋往事非

題石橋二絕

路隔仙凡意可通
石橋容我踏長虹
橋旁方廣人遊久
不在登臨杖履中

石橋未到已先知
入眼端如入夢時

舊嘗夢遊

僧喚我為嚴

首坐前生曾寫此橋碑

天台石橋記乃永嘉僧嚴伯威書卷僧有說前生事者戲及之

萬年贈鄉僧貢老

夢魂驚斷石橋邊
身帶烟霞入萬年
賓主相逢意良厚

永嘉逢掖永嘉禪

學通儒釋浩無邊江浙聲名二十年見說胃中有論語

欲從師向此叅禪

貴能談
論語

過鑑湖

朔風吹水鑑湖寒千里扁舟赴幕官
路入蓬萊天尺五眼中見日與長安

民事堂

某誤蒙親擢贊幕會稽天語丁寧俾知民事聞命驚
懼媿不克堪因榜所寓廨舍曰民事堂庶幾朝夕不

金
卷二
忘聖訓仍書五十六字以自警時紹興丁丑十有二
月也

親擢深蒙聖主恩宜知民事訓詞溫仰惟睿意思那本
要使書生識治原不憚勤勞馳禹會敢忘精白奉堯言
它時上問蒼生事願竭孤忠慷慨論

臘月望日出郊探春游告成觀謁大禹祠酌韭
飲泉遂至龍瑞宮觀禹穴薄暮而還

禹葬稽山不記年丹青落盡廟依然神文秘在藏書穴

儉德流為菲飲泉龍瑞峰巒高近日鑑湖烟水濶浮天
東州佳氣略經眼自笑好奇如馬遷

采叢

采叢思越王也越有山名叢叢疏類也王所嗜焉予
嘗登是山故作是詩以思之

陟彼北山言采其叢我思古人中心悒悒維國有恥朝
弗遑粒膽于坐隅霸勲以集陟彼越山言采其茗

越有卧龍

山勾踐舊治山有奇茗故次章反之我思古人中心炳炳維國有恥夕弗

金史卷二
遑瞑焦心以思治吳之境厥草維甘厥蔬匪香維其味
之豈其嗜之心焉孔焦膽焉亟嘗唯其苦之是以取之
我陟高崗瞻望東越訪王之祀曠古有關宜廟于山世
享不絕何以薦之哉茗是擷

秦望

秦望哀秦之過弔茲山之不幸也

瞻彼秦望崇于會稽曷云其崇登焉而紮孰登是山西
方之人兮瞻彼秦望輕于會稽曷崇而輕名之以羸孰

名是山東方之人兮我登稽山思禹之績吾儕不魚鱉
帝之力我瞻秦望哀秦之過虐彼黔首其誰之禍禹駕
而游夏民以休有翼其行稷禹是謀政轍而狩羸隨以
仆孰稔其惡斯高左右孤竹兄弟殍于首陽山與其人
嘉名孔章谿辱以愚泉污以盜物之不幸名惡而暴浙
濤如銀鑑流如紳濯彼崔嵬勿污以秦

迎春遇雪

飛雪送殘臘帶花迎早春西疇農事及媿是不耕人

元日冒雪赴天慶觀

朝拜既趨府拜表還舍飲屠蘇酒因思去年元日亦
不在家感而有作

幕府初官媿不才琳宮朝拜獲參陪
籃輿去踏攬先雪蓬髻歸銜最後杯
禹穴地幽寒未歇堯天日近暖先回
年年元日身為客孤負吾廬溪上梅

賀何正言用蔡君謨韵

御筆親除真諫官翕然輿論已騰歡
正人得路言無諱

聖主虛懷聽不難，莫厭封章箴袞闕。
要令奸膽落毫端，鰕生雅服陽公德。
時把昌黎諫論看。

寓小能仁寺即事書懷

小園青徑梅溪老，綠水紅蓮越幕賓。
藥裏隨身多半夏，花枝照眼只常春。

時苦痰嗽多服半夏
廨舍惟有常春一根

郡樓鼓角聽殊

遠，僧舍鐘魚聞已頻。
窓外清風數竿竹，澹然相對淨無塵。

同莫教授朱縣丞朱司理遊西園

黎明出城郭偶作西園遊春淺花未都池寒綠初抽湖
山欲縱目烟靄浮不收初來興非淺心賞殊未酬賴有
三君子清談洗牢愁更期春色穠攜尊泛仙舟

次韵濮十太尉賞梅

春向羣芳頂上來可人風味亦奇哉未於茅舍疎籬見
先為金枝玉葉開竹外橫斜纔數點笛中搖落已千堆
因公撩我惜花意深憶去年湖上杯

題壽樂堂用東坡韵贈楊元賓僉判

蓬萊閣下蒼龍古萬壑千巖擁仙府壽樂堂西面卧龍
壑月巖風滿窓戶蒼松溜雨大十圍綠水浮荷深一股
作堂主人久黃壤仁智風猶似鄒魯詩仙騎龍已上天
妙句光芒照寰宇青山偃蹇只如昔高處去天無尺五
楊侯淮泗老儒學文字撐腸筆風雨竭來替幕古東州
要與青山作盟主虛堂宴坐飽風月此外一毫端不取
它日從公物外遊貝闕珠宮酌瓊乳

元賓贈紅梅數枝

江梅孤潔太絕俗紅杏酣酣風味薄梅花精神杏花色

春入蓮洲初破萼

花在壽樂堂前蓮渚中

膽瓶分贈兩三枝醒我

沈疴不須藥

時某以疾在告

願公及早辦芳樽酒暈冰肌易銷

落

廨舍有脩竹數竿瀟洒可愛

誰裁窓外碧琅玕瀟洒尤宜老眼看寄語後人毋剪伐
更須時為報平安

龍瑞道士贈蘭

有客贈芳友

曾端伯目蘭曰芳友

滿堂聞國香清含道流氣輕帶

羽衣黃綴佩風光別橫琴旨趣長重須尋禹穴一曲聽

揚揚

道士善琴

吳秀才

克家

以壽樂蓮洲中千葉梅花為贈酬

以詩

東君次第染羣芳更與南枝別樣粧水漲春洲浮鴨綠

日烘花臉帶鵝黃雪中瓊蘂不多辨酒後玉肌無此香

謂紅梅也

玉潤冰清總佳士驛筒相繼贈春光

吳君乃楊簽判婿

上丁釋奠備數獻官書十二韵呈莫子齊教授
趙大可察推

魯人呼東家陳蔡不火食當時雖高弟往往亦愠色孰
知夢奠後廟祀亘無極鬼然衮冕尊王侯面俱北武成
祭上戊龍棄配社稷隆殺良不同論功豈如德去載遊
上庠觀禮杏壇側備樂閱九奏銀袍爛千億茲焉客蓮
幕濫與俎豆職登階瞻睿容炳晬若親識壯哉芹藻宮
不減魯侯國歸賡泮水頌才劣慚史克

會稽三賢祠詩 井序

越有三賢祠曰吳先生曰唐侯曰蔡孝子吳先生名
攷當事安定胡先生瑗以文行稱捨所居為府學有
功於風教為多賢於許詢賀知章輩一等矣唐侯名
琦建炎間越師叛命以城降敵侯奮自行伍憤然袖
執擊金人至死罵不絕口有靖康李忠愍風非古刺
客比也蔡孝子名定以死贖父罪自沈于河與孝女
曹娥相望於千載間異世而同烈某比因上丁至學

見西廡吳先生有祠堂詢之莫教授而知其事因語
莫君宜有以記之異日坐幕府吏具郡祠歲所常祀
者中有旌忠愍孝二廟某命吏訪其詳因得舊越守
傅公崧卿祭唐侯之文及蔡孝子所親撰銘誌與越
人題跋奏狀等嘉歎者累日因作三賢詩以記其大
略庶幾好事君子相繼有作以發揚其幽光亦所以
助吾君旌遺賢獎忠孝激勸風俗之一端也

吳先生祠

安定先生賢矣哉一時高弟俱英才詵然達者播廊廟

貧賤亦足光蓬萊會稽吳君更超絕至今士子猶能說

講堂鳴鼓規使君可使清風聳朝烈

越中士人言昔府學初成太守張公

伯玉至學以便服坐堂下先生鳴鼓行學規太守欣然受其罰

求田問舍遺子孫錢愚

地僻何紛紛不惜池塘種芹藥一段奇事前無聞君不

見唐室蓬山稱賀老乞得鑑湖歸去好却將儒服變流

沙更遣門關亦歸道又不見晉朝名士高陽公

許詢捨宅為寺

今大能仁是也

才名上下王謝中乃心欲出三界外山陰宅化

瞿曇宮先生識見高流俗不作二公緣禍福寄語多才
鄭廣文乞與毫端記高躅

旌忠廟

國家往往艱難中。搢紳節義掃地空。靖康有一忠愍公。
建炎獨有唐侯忠。唐侯爵位何曾隆。身居行伍儕羅熊。
平生經史漫不通。嚴霜烈日蘊在衷。憤然一奮不顧躬。
太尉奪笏嗟忽忽。子房鐵椎計已窮。張巡就縛氣尚雄。
杲卿鋸解罵未終。忠血義肉塗地紅。烈氣英魂薄蒼穹。

事驚朝野聞帝聰立廟旌忠浙江東睢陽雙廟同高風
名書青史等岱崧誰使吾民陷棘叢貽臭千古如蛆蟲。

愍孝廟

我昔嘗讀黃絹碑長歎越國無男兒孰知種山山下水
千載有此一段奇嗚呼哀哉蔡孝子風烈遠過恢與羈
乃翁白首困縲紲半年不脫兒心悲請身荷械代父罪
或甘黥涅居軍麾况遇兵興擊叛卒身先矢石死不辭
當時非無賢太守

時越守
程公

孝子抱志終不施人間無路

可赴訴投命河伯祈天知自為銘誌及訟牒欲懇以魂
贖以屍情哀意切語不怨孝與忠厚俱天資臨河更効
結纓死顛沛於禮曾無虧父脫繫囚子願畢身在九泉
甘若飴名聞九重獲旌表賜廟愍孝風華夷胡為祠宇
乃如許一間破屋河之湄未聞設誅有度尚絕妙更尺
邯鄲詞我来替幕欽孝烈顧瞻廟貌成吁嘻他年太史
作佳傳願於紙尾書吾詩

梅溪後集卷二

欽定四庫全書

梅溪後集卷三

宋 王十朋 撰

詩

某比緣職事朝拜殯宮瞻望松柏愴然悲涕遂
成小詩

崇觀升平主神遊在九霄稽山嗟葵禹寰海痛思堯天
上仙宮別人間寶祚遙微臣望松柏魂思黯然銷

鑑湖行

蒼蒼涼涼紅日生
葱葱鬱鬱佳氣橫
鑑湖春色三百里
桃花水漲扁舟行
花間啼鳥傳春意
聲落行舟驚夢寐
胡牀兀坐心境清
轉覺湖山有風味
鑑中風物幾經春
身在鑑中思古人
禹迹茫茫千載後
疏鑿功歸馬太守
太守湖成坐鬼責
後代風流屬狂客
狂客不長家鑑湖
惟有漁人至今得
日暮東風吹棹回
花枝照眼入蓬萊
回首湖山何處是
歎乃聲中畫圖裏

禹廟歌

君不見蠡目英雄吞四海血祀初期千萬載稽山木像
棄長江逆溯波濤鬼無餒鳥喙辛勤十九年平吳霸越
世稱賢故國無人念遺烈山間廟貌何凄然馬守開湖
利源迥歲沃黃雲九千頃年來遺迹半湮蕪廟鎖湖邊
篆烟冷吳越國王三節還盡將錦繡裹江山自從王氣
熄牛斗廟比昭王屋一間迺知流光由德厚祀典誰能
如夏后九年洪水滔天流下民昏墊堯心憂帝懼萬國

生魚頭錫禹洪範定九州功成執玉朝冕旒奔走訟獄
歸歌謳南巡會稽覲諸侯書藏臚穴千丈幽蟬脫塵寰
不肯留千古靈廟依松楸吾皇盛德與禹侔非食卑宮
惡衣裘思禹舊績祀事脩小臣効職躬薦羞仰瞻黻冕
懷遠猷退惜分陰慙情偷嗟乎越山高兮可夷而丘鑑
湖深兮可理而疇惟有禹貢聲名長不朽告成世祀無

時休

道觀名
告成

與趙安撫乞疏獄

小麥青青大麥熟秧老欲移蠶欲簇皇天彌旬作淫雨
害及農桑一何酷麥枯秧腐蠶不絲無食無衣豈能育
使君今日賢方伯政過龔黃同舜牧餽金蠲放官與私
喜氣歡聲傾比屋仁風已慰黎庶心誠感蒼穹理宜速
胡為蒸泄尚如許陰沴干陽埋日轂豈惟泥濘困牛車
更恐魚龍上平陸閭閻競畫指日蠻香火遙祈上天竺
傷和無乃有冤民蠹政尚疑多大族使君有術開青天
按劾奸贓疏滯獄

次韵濮十太尉詠知宗牡丹七絕

憶昔洛陽花盛日品第况逢歐六一姚黃一品價無雙
更有左花千葉密

月陂春色滿花枝國色天香照雪肌當日栽培恐無地
如今誰保舊園池

開元往事感傷中遺種猶餘一嫩紅借問通宵配妃子
何如及早念姚崇

春色遙興洛陽念風俗聊於記中驗今日亭羅山下魂

猶向人間吐妖艷

地近堯天饒雨露花王窈窕多風度書生不辦買花錢
空解搖毫為花賦

香苞初拆曉霞凝甲第名園冠紹興玉葉金枝老詩伯
更將好語為褒稱

造花無私處處芳家山想見亦春藏無端竊祿身為客
孤負吾廬十八香

送僧遊徑山

替澗家風不蕪沒禪講說說盡爪葛如今更有奇兒孫
雲水飄然繼衣鉢徑山禪伯僧中龐向來名節真無雙
我昔題詩已推許兩度相逢不曾語子今此行真得師
掃除妄想叩深機我待衣冠掛林下遲子歸來話瀟灑
三月晦日邵憲大受宴僚屬于西園某與馬趙
提幹潛即席賦詩次韵

送春開宴種山西翠幄重重眼界迷一段清和人共物
十分幽勝地臨溪駕鵝曲水閣中集鷺燕落花枝上啼

賢榻獲陪文字飲不嫌蹤迹間雲泥

送昌齡弟還鄉兼簡夢齡

束書千里赴王畿戰藝賢闕事偶違鑑水天高鴻雁集
左原山遠鵲鳩啼夜沐風雨客情惡春草池塘詩思飛
勉力還家對燈火待看雙桂擢秋闈

時二弟赴補偶遺
昌齡還鄉夢齡留

赴

糶米行

詔書發廩周飢荒使君減價糶黃梁奉行上意固已良

小人用心胡不減斗米大半雜以糠橫索民錢名貼量
怨語咎咎盈道傍我慙寸祿偷太倉見之不言咎難當
言之人指為輕狂作詩聊語同舍郎

送會稽林簿

日華

棄官還鄉

望秦秦望山蒼蒼未秋先作秋意涼三山深處孟園好
林簿家有孟園松菊恨君歸不早拂衣高舉追冥鴻不將詩別

乖崖翁年來處士徑尤捷美秩清資等閒躡君獨高歌
慕隱淪林下何曾見一人芋魁豆飯吾亦有深媿折腰

貪五斗

戊辰歲嘗和韓退之贈張徹詩寄曾夢良至今
十年夢良方和以寄因贈一絕

欲識交情久遠期十年方和和韓詩他時更踐詩中語

偕隱谿山不可遲

某舊詩有溪山期偕
隱風雨無獨聽句

送趙可大如荆西

幕府遊從盛一時之人襟宇更現奇西風莫作鱸蓴戀

越國江山日要詩

中秋賞月蓬萊閣呈同官

中秋翫月小蓬萊風送婵娟入座來樽俎論文清有味
湖山照眼淨無埃雲生脚底蛟龍卧影落人間鼓角催
時方見月
鼓角聲動把酒問天兼問月何時此夜更銜盃

中秋見月方以為喜既而陰蔽意殊不滿東坡
云良天佳夜即中秋不以日月斷也諸君有醵
會之約復用前韵

中秋翫月小蓬萊雲掩清光不放來頗覺襟懷增梗槩

欲凭欄檻掃氛埃清宵忍放嘉賓散明日還驚俗務催
底用區區校時節良天佳月即傾杯

記夢

九月初四夜夢侍先人遊家之南觀田園闢徑於杉
林之間昌齡弟亦侍其側指杉徑云此異日歸去來
之路也覺而思之杉徑者三徑也淵明之事先君默
啓之矣書以記之

夜夢隨先君梅溪策藜杖杉徑早開闢歸休預標榜魂

金史卷之三
思驚曉醒精神發秋爽披衣照孤燈洒涕書惚恍

士人僧道俱贈巖桂

巖桂來三家清標共秋風聯芳近禹穴擢秀疑蟾宮膽
瓶金粟妍鼻觀天香通無心妄區別妙契將無同

府吏有以老求退者詢其年猶未六十詰其去
之由云欲全身避禍耳予善其知機勇退可以
媿嗜進之士夫有感而作

升高蟪蛄墮粘壁蝸牛枯播紳鴈梁肉是亦蝸蛄徒抽

身筆楚中勇退規此胥衣冠與刀筆未可分賢愚

觀習水勝

漢武英雄思拓邊昆明習戰遺風傳吾皇仁心異武帝
思患姑為預防計爾曹生長行伍間操舟習水便宜閑
異日捐軀宜報國勿效水烏為盜賊

世之善水勝者多
為盜竊目曰水老

烏

龍瑞道士贈巖桂

巖桂遙從禹穴來天香全似月宮栽金風淒峭飄龍腦

想見吾廬爛漫開

九日登巖山

九日同登古巖山
眼明天濶興清閒
杯傳但覺歡無盡
帽落俄驚鬢已斑
鄉思遙馳三徑裏
秋聲近在八松間
茱萸未許陪朝士
賴有清流數往還

夢齡九日有詩兼懷昌齡次韵

長記去年今日好
門外秋香噴沈腦
弟兄隣里同登高
把菊行觴樂非少
山穀海錯鄉味佳
銀瓶索酒不用賒

醉中不記脫巾卧明日頭上猶黃花今年豈不欲行樂
竊祿東州官事東那堪送酒無白衣旋糶黃梁買桑落
何如與子俱休休誰能長挹離鄉憂移書問訊愈連弟
三徑許我歸來不

余前此有歸興昌齡以為不可數以書來相勉故及之

贈莊童子

名大成
福州人

日誦千言七歲兒方圓動靜早能知還家更讀韓公序
器業他年必大奇

送朱丞

一片秋懷似亂雲不堪行客話離羣
紅蓮綠水尚留我
鉅竹老槐深憶君千里從今遙共月
一樽何日更論文
好將平昔家傳學勉力登朝立世勲

朱故丞相之子

贈夢齡兼懷昌齡

我緣竊祿寓東州子亦相從千里遊
鐵硯功名壯心在
短檠燈火夜窓幽
治書晁錯宜登第
射策公孫定取侯
他日三人老兄弟
結廬相共保松楸

和夢齡十月朔日書懷

歲事遽如許玄冥威欲伸地爐猶未火客坐况無茵日
短驚瞻昴天寒怯報寅

予每以五更趨
府而性尤怯寒

尤憐對牀弟尚

與短檠親

贈喻叔奇縣尉

叔奇攝職會稽公事之暇必訪僕於民事堂終夕論
文欣然相得輒成小詩見意

同舍同年友天資迥不羣詩文侵晉宋兄弟類機雲梅
市訪仙侶蘭亭懷右軍

叔奇嘗集蘭
亭作詩五絕

公餘時過我無酒

亦論文

贈王吉老縣尉

王吉老渺然一書生也能手斬凶人以報母讐申冤
請罪自投于府識與不識莫不壯之東嘉王某作詩
以紀其事好事君子必繼有發揚之者

臣子大節孝與忠父母仇讐天不同賢哉會稽王孝子
感慨有古烈士風松楸一夕盜破塚親獲鼠輩聞之公
有司守法貸其命孝子銜恨無終窮誰謂書生膽如許

貌若虺羸中甚武手斬凶人提髑髏請死伸冤詣公府
君不見齊襄內行世所羞春秋賢之緣復讐又不見子
胥鞭尸報父怨太史為之作佳傳君今枕戈志已伸更
須移孝為忠臣他年當作傳介子誓斬樓蘭雪國恥

十月望日買菊一株頗佳

秋去菊方好天寒花自香
深懷傲霜意那肯媚重陽
菊晚不害好固宜登我堂
書生自頭白奚用泣馨香

聞詩生日

十月十六日

良天逢十月嘉節過三元汝父初生子

聞詩吾長子也

吾親喜

抱孫長成今若許氣習有餘溫雁序自相友麟經可與言志宜存遠大學必探淵源但務勤脩德年齡不用論

十月十六日欲與夢齡弟及聞詩聞禮同游蘭亭仍約喻叔奇偕行會天氣不佳喻亦以疾辭出門而止兀坐終日懷挹殊惡

我欲遊蘭亭天氣殊不佳同行感微恙杖屨不可偕出門興遽闌茲遊竟未諧遺文閱永和聊用慰此懷

和喻叔奇集蘭亭序語四絕

我自扁舟入越初，蘭亭已向夢中如。
崇山峻嶺至今阻。

唱和詩成無處書。

前日具筆硯治詩脾，竟不成佳。

羣賢少長畢經過，曲水流觴憶永和。
一代風流已陳迹，世殊事異感傷多。

晤言一室許誰親，相遇無非我輩人。
放浪形骸嗟老矣，仰觀宇宙尚艱辛。

茂林脩竹未成往，遊目騁懷聊自欣。
暢叙幽情有齊契。

一觴一詠細論文

和韓退之晚菊贈喻叔奇

嘉菊何太晚十月纔黃花既晚好何益三嗅良可嗟開
日乃佳節芳樽對年家今夕苟不飲如此黃花何

夜讀書于民事堂意有所感和韓公縣齋讀書

韻

宦遊寓幕府幽懷屬山林兀坐窓几間默求聖賢心沈
潛偶會意歎息常彌襟世塗豈能驚古道聊自斟艸穴

思欲探丹書未容尋青銅每自照白髮已見侵事業浩
無窮筋力媿不任丈夫固有志寧在官與金

李資深贈古瓦硯及詩

世貴銅雀硯常患偽亂真千金買渴雀虛名何足珍李
生心好古身困道不貧得此佳陶泓製由萬道人慳慳
持贈我器古詩清新置之窓几間日與毛穎親未能草
太玄姑用注獲麟羅文及端黹貴幸無比倫屈爾居蓬
窻與我同艱辛研磨媚權貴揮染勞精神茲我所不敢

銘以書諸紳

喻叔奇惠川墨

子墨客卿來自蜀綉川家藏尤不惡明窓研磨出珠玉
客卿於君德良渥嗟子經年客蓮幕交絕方兄澁囊索
文房諸子亦蕭索同年於子契非薄特遣卿來助予學
不才拜賜心愧忤客卿之意殊不樂陶泓毛穎登臺閣
陳玄待詔同著作卿從子遊失所託惟清惟靜惟寂寞
但有詩篇日酬酢

戴夫人挽詞

同年姚筠
教授母

勤儉肥家福亦肥
晚年門戶更光輝
滿庭蘭玉俱藍袖
照眼雲仍盡綠衣
方外客攜因果去
月中人折桂枝歸
回頭往事夢幻影
丹旆五雲原上飛

和趙可大四絕

僧居岑寂異官居
索句搜腸撚斷鬚
那更雨中思底事
夢魂歸到種山隅

右僧舍雨中

杜宇聲中春欲歸
少陵老淚不禁揮
與君共被浮蝸誤
不似淵明早見幾

右聞子規

唾手科名尚少年
無窮事業更居前
辛勤不寐思經意
却笑邊韶好晝眠

右不寐

萬壑千巖擁越岡
朝陵追念舊天王
自嗟無路攀弓劍
尚忍興言及虎狼

右朝永祐陵

送黃機宜遊四明

名子魯

游宦東州識老成，坐間談笑欲風生。
人如元祐氣尤直，詩不江西語自清。
雪棹非緣尋舊隱，夜牀端欲對難兄。
行間太史奏星聚，四皓聯珠臨四明。

黃兄弟四人皆皓首，號所居曰橘隱堂。

盧仁及縣丞挽辭

妙齡才譽冠東嘉，百戰功成暮影斜。
人在盧前有慙色，

金史卷之三
禮從戴後獨名家藍田美績誰能記絳帳奇兒最可夸
鄉里措紳官業冷因公淪落倍興嗟

贈術者

枉道貴何益正塗窮亦榮誰辭談義命試問小君平

游天衣寺

拂曉籃輿出蠡城稽山照眼鑑湖明千巖溪處十峯好
萬壑流中雙澗清香靄噓成普賢像風松吹作法華聲
靈鳥不肯來城郭長伴高僧避寵榮

次梁尉韵

探春連騎入山城更喜梅仙亦會盟

梁後至

文字偶同吾

輩飲聖賢滿為使君傾

安撫尚書以僚屬游山送酒六十樽諸公自山中回晚集于教

授廳為文字飲

詩逢好境天然好山為清流分外清
瀟洒宗之

最年少我慚叨預八仙名

梁最年少

酬陸宰用梁尉韵

收拾湖山付管城士衡獨步張文盟
湧泉詩思逼人提
眉玉笑談終席傾
天色亦緣吾輩好
路人能道長官清

要令巧匠鐫山骨記取同行八士名

和喻叔奇游天衣四十韵

稽山高入雲鑑湖濶浮空禹秦有遺迹晉宋多鉅公我
來歲及周夢寐懷清風茲欣天氣佳扶桑欲曛曨駕言

天衣遊盍簪盡駕鴻經夕戒行李如期集仙宮

早會于
天長觀

聯騎出城南行行指秦峰千巖競吐秀眼界清無窮招

提在何許十里松陰濃林端忽鐘磬與客為先容羣簪

擁花界雙佩鳴寒空試將比天台大略如思豐

天台國
清山水

秀絕有思豐
堂尤可觀覽

首讀邕浩碑妙理開昏蒙細觀元白詩丘

壑羅胃中蕭辟尚堪面

寺有面壁
二大字

梁薪幾經烘

寺有梁
時薪火

見李公
垂詩

茲宮現有相禪客談無同朝陽最嶄絕白雲抹

其胃

朝陽峰
最奇

杜鵑天下無至今映山紅鷄僧始開山道

業聞清衷思舉照不起高價傾江東袈裟縷黃金宮女

自針工昭明親抱送禮意何太恭白馬忽渡江臺城喪

英雄國破遺衣在丹青落塵容

寺舊有梁昭
明太子畫像

我輩皆書

生意氣飄如虹螭屐共尋幽寧求香火功載酒懷賀老

招隱思戴顒賦詩效吹臺一飯敢不忠况我賢使君德

宇尤踈通楚醴餉百榼白衣走山中嗟余何為者天資

媿倥侗謬與酒中仙偶同叢山松叢山有八松同年妙詞章

况有山水供古詩如古琴山高水溶溶背囊小溪奴捧

硯長鬚僮叔奇題名勝遊與佳作二美今具逢品題徧羣英

波瀾及孤蹤掬水弄華句比擬何凡庸掬水月在手弄花香滿衣乃于

良史遊天衣寺詩也茲會如蘭亭同行類荀龍盛事在詩史奚用

呼畫工

梅溪後集卷三